

হুমায়ূন আহমেদের প্রার্থনা দিবস:আমার কিছু কথা

<http://www.jonotardabi.cjb.net>

massnoon.hasan@gmail.com

হাসান

১৪-০৮-২০০৫

গত ২৬-০৭-২০০৫ এ প্রথম আলোয় জননন্দিত লেখক হুমায়ূন আহমেদের একটি লেখা ছাপা হয়েছে। হুমায়ূন আহমেদের লেখা সেই প্রবন্ধটিতে তিনি আমাদের দেশের ২টি দলের প্রধান ২ জন ব্যক্তিত্বকে একসাথে বসানোর জন্য একটি প্রার্থনা দিবসের আয়োজন করতে চাচ্ছেন।হয়তো তিনি ধরেই নিয়েছেন যে একমাত্র অলৌকিক কিছু হলেই হয়তো এই ২ জন একসাথে বসবেন,এ ছাড়া আমরা হয়তো কিছু ই করতে পারব না।

এই দুজন একসাথে বসবেন কি না,বা তা এই অসম্ভব কিভাবে সম্ভব করা যেতে পারে সেই প্রশ্নে পরে আসছি।আমরা দেশের মানুষ তারা কতটুকু ব্যাপারটা চাই সেটি ভাববার বিষয়। আমাদের দেশের মানুষের একটি অংশ মনে করেন এই ২ নেত্রী একসাথে বসলে সব সমস্যার সমাধান হবে না।সুতরাং বসে কোন লাভ নেই। আর একটি অংশ আছে যারা ধরেই নিয়েছেন তারা ২ জনে যেভাবে চাবেন সেভাবেই সব হতে হবে। তারা ২ জন যেহেতু বসতে চাচ্ছেন না সুতরাং এটা ই আমাদের মেনে নিতে হবে।আর একটি অংশ আছেন যারা সরাসরি এই ২ দলের সাথে জড়িত,তারা হয়তো ভেবে-ই রেখেছেন যার যার অবস্থানে তারা সঠিক,সুতরাং এখানে আর কোন কিছুর দরকার নেই।

একেবারে শেষের অংশটি এই ২ জনের একসাথে বসা দেখতে চান।কিভাবে চান,কোন উপায়ে চান তা তারা জানেন না,কিন্তু তারা এটা আশা করেন,বেশ ভালোভাবেই।হুমায়ূন আহমেদের লেখায় এদের তিনি দেশের মানুষ বলেছেন।

এই একটি অংশের কি প্রার্থনা ছাড়া আর কিছুই করার নেই?

যদি লেখার সুবিধার্থে ধরে নেই হুমায়ূন আহমেদ এই দলের ই একজন তাহলে তিনি কি তার এই প্রার্থনাতেই সীমাবদ্ধ থাকবেন? সমবেত প্রার্থনার কথা তিনি বলেছেন-এই প্রার্থনা করার জন্য তিনি কিভাবে দেশবাসীকে সমবেত করবেন?

আমরা সবাই মিলে কি এই প্রার্থনা ছাড়া আর কিছু করতে পারি না যা এই দুজনকে বসতে বাধ্য করবে? লাগাতার ইতিবাচক একটি আন্দোলন কি আমরা শুরু করতে পারি না?

হুমায়ূন আহমেদ এর মতো আরো কিছু মানুষ এগিয়ে এলে এই কাজটা করা সম্ভব।মুক্ত মনা থেকে কি এরকম কিছু আরম্ভ করা সম্ভব? এক দফা এই দাবী নিয়ে কোনো রাজনৈতিক দলের

ছত্রছায়া না নিয়ে আমরা কি পারি না এতবড় অঘটনের জন্ম দিতে?